

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO

Broj: T04 0 KT 0056407 23
Zenica, 20.06.2025. godine

OPĆINSKI SUD U KAKNJU
Sudiji za prethodno saslušanje

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, podižemo

O P T U Ž N I C U

Protiv,

S. Š., osuđivan četiri puta u periodu 2011-2014 za krivična djela protiv imovine iz člana 286. stav 1. i 287. stav 3. KZ F BiH na uvjetne osude, brani ga branitelj po izboru Obraliya Mesud, advokat iz Kaknja,

što je,

1. dana 05.05.2023. godine, na području općine Kakanj, u mjestu ..., suprotno odredbama člana 4. stav 1, 2, 3 i 5 i člana 20. Zakona o sprečavanju i suzbijanju zloupotrebe opojnih droga u BiH, neovlašteno prodao K. A. opojnu drogu „amfetamin“ poznatiju kao „speed“ neto težine 0,828 grama upakovanu u jedan pvc paketić, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je prodaja opojne droge zakonom zabranjena, ali je to htio, koju drogu je K. A. istog dana dobrovoljno predao policijskim službenicima PS Kakanj u ulici ..., o čemu mu je izdata potvrda o privremenom oduzimanju predmeta broj ... od 05.05.2023. godine,

2. dana 09.05.2023. godine, na području općine Kakanj, u mjestu ..., suprotno odredbama člana 4 stav 1, 2, 3 i 5 i člana 20. Zakona o sprečavanju i suzbijanju zloupotrebe opojnih droga u BiH, neovlašteno prodao P. E. opojnu drogu „amfetamin“ poznatiju kao „speed“ neto težine od 0,801 grama upakovanu u jedan pvc paketić, koja opojna droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je prodaja opojne droge zakonom zabranjena, ali je to htio, koju drogu je P. E. istog dana dobrovoljno predao policijskim službenicima PS Kakanj u mjestu ..., o čemu mu je izdata potvrda o privremenom oduzimanju predmeta broj ... od 09.05.2023. godine,

3. dana 09.05.2023. godine, na području općine Kakanj, u mjestu ..., suprotno odredbama člana 4 stav 1, 2, 3 i 5 i člana 19. Zakona o sprečavanju i suzbijanju zloupotrebe opojnih droga u BiH, neovlašteno prodao D. O. opojnu drogu „Cannabis“ poznatiju kao „marihuana“ upakovanu u jedan pvc paketić neto mase 0,199 grama, koja opojna droga je pod rednim brojem 13. Liste opojnih droga iz Tabele I „Zabranjene tvari i biljke“ proglašena takvom, iako je bio svjestan da je prodaja opojne droge zakonom zabranjena, ali je to htio, koju drogu je D. O. istog dana dobrovoljno predao policijskim službenicima PS Kakanj u mjestu ..., o čemu mu je izdata potvrda o privremenom oduzimanju predmeta broj: ... od 09.05.2023. godine,

4. dana 17.05.2023. godine, na području općine Kakanj, u mjestu ..., suprotno odredbama člana 4. stav 1, 2, 3 i 5 i člana 20. Zakona o sprečavanju i suzbijanju zloupotrebe opojnih droga u BiH, neovlašteno prodao A. E. opojnu drogu „amfetamin“ poznatiju kao „speed“ koja opojna droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je prodaja opojne droge zakonom zabranjena, ali je to htio, koju opojnu drogu je istog dana A. E. dobrovoljno predao policijskim službenicima PS Kakanj u mjestu ... o čemu mu je izdata potvrda o privremenom oduzimanju predmeta broj ... od 17.05.2023. godine i to upakovanu u jedan pvc paketić neto težine 0,174 grama i umotan u papirnu maramicu za koju je vještačenjem utvrđeno da se radi o dvokomponentnoj smjesi morfološki različitih supstanci sačinjenoj od čestica mikroskopske veličine (prašina) i amorfnih agregata milimetarske veličine i kako nije bilo moguće fizičko odvajanje čestica izvršeno je vaganje cjelovitog uzorka neto težine 0,383 grama, obzirom da je opojna droga pronađena na patosnici vozila ispred A. E. koji je opojnu drogu rasuo,

5. dana 03.07.2023. godine, na području općine Kakanj, u mjestu ..., suprotno odredbama člana 4. stav 1, 2, 3 i 5 i člana 20. Zakona o sprečavanju i suzbijanju zloupotrebe opojnih droga u BiH, neovlašteno prodao Č. I. pet paketića opojne droge „amfetamin“ poznatije kao „speed“ upakovanu u jednom paketiću neto težine 2,013 grama, koja opojna droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je prodaja opojne droge zakonom zabranjena, ali je to htio, koja droga je od strane policijskih službenika PS Kakanj kod Č. I. pronađena i oduzeta istog dana u mjestu ..., o čemu mu je izdata potvrda o privremenom oduzimanju predmeta broj ... od 03.07.2023. godine,

6. dana 16.05.2023. godine, na području općine Kakanj, ispred dvorišta njegove kuće u mjestu ..., nakon što je sa Č. E. ostvario komunikaciju, iz dvorišta donio i neovlašteno mu prodao opojnu drogu, suprotno odredbama člana 4. stav 1, 2, 3 i 5 i člana 20. Zakona o sprečavanju i suzbijanju zloupotrebe opojnih droga u BiH i to četiri paketića opojne droge „amfetamin“ poznatije kao „speed“ neto težine 3,209 grama, koja opojna droga je pod rednim brojem 13. Liste opojnih droga iz Tabele I „Zabranjene tvari i biljke“ proglašena takvom, iako je bio svjestan da je prodaja opojne droge zakonom zabranjena, ali je to i htio, koju drogu je Č. E. istog dana dobrovoljno predao policijskim službenicima PS Kakanj u ulici ... o čemu mu je izdata potvrda o privremenom oduzimanju predmeta broj ... od 16.05.2023. godine,

7. dana 18.05.2023. godine, na području općine Kakanj, u mjestu ..., nakon što je sa B. A. otišao između dvije barake koje se nalaze preko puta dvorišta njegove kuće, suprotno odredbama člana 4. stav 1, 2, 3 i 5 i člana 19. Zakona o sprečavanju i suzbijanju zloupotrebe opojnih droga u BiH, neovlašteno prodao B. A. jedan paketić opojne droge „Cannabis“ poznatije kao „marihuana“ neto težine 2,050 grama, koja opojna droga je pod rednim brojem 13. Liste opojnih droga iz Tabele I „Zabranjene tvari i biljke“ proglašena takvom, iako je bio svjestan da je prodaja opojne droge zakonom zabranjena, ali je to i htio, koju drogu je B. A. istog dana dobrovoljno predao policijskim službenicima PS Kakanj u ulici 311 Lahke brigade, o čemu mu je izdata potvrda o privremenom oduzimanju predmeta broj ... od 18.05.2023. godine,

čime je učinio produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH.